

唐李杜詩集卷之三

李集

五言古詩

寄贈

贈宣城宇文太守兼呈崔侍御

白若白鷺鮮清如清唳蟬受氣有本性不爲外物遷飲水
箕山上食雪首陽巔迴車避朝歌掩口去盜泉岌堯廣成
子倜儻魯仲連卓絕二公外丹心無間然昔攀六龍飛今
作百鍊鉛懷恩欲報主投佩向北燕彎弓綠弦開滿月不
憚堅閑騎駿馬獵一射兩虎穿回旋若流光轉背落雙鳶
胡虜三嘆息兼知五兵權鎗鎗突雲將却掩我之妍多逢
勦絕兒先着祖生鞭據鞍空矍鑠壯志竟誰宣蹉跎復來
歸憂恨坐相煎無風難破浪失計長江邊危苦惜頽光金

波忽三圓時遊敬亭上閒聽松風眠或弄宛溪月虛舟信
洄沿顏公二十萬盡付酒家錢興發每取之聊向酒中仙
過此無一事靜談秋水篇君從九卿來水國有豐年魚鹽
滿市井布帛如雲煙下馬不作威水壺照清川霜眉邑中
叟皆美太守賢時時慰風俗往往出東田竹馬數小兒拜
迎白鹿前含笑問使君日晚可迴旋遂歸池上酌掩抑清
風絃曾標橫浮雲下撫謝眺肩樓高碧海出樹古青蘿懸
光祿紫霞杯伊昔忝相傳良圖掃沙漠別夢繞旌旃富貴
日成踈願言杳無緣登龍有直道倚玉阻芳筵敢獻繞朝
策思同郭泰船何言一水淺似隔九重天崔生何傲岸縱
酒復談玄身為名公子英才若此遭鳴鳳托高梧凌風何
翩翩安知慕群客彈劍拂秋蓮

贈宣城趙太守悅

趙得寶符盛山河功業存三千堂上客出入擁平原六國
揚清風英聲何喧喧大賢茂遠業虎竹光南藩錯落千丈
松虬龍盤古根枝下無俗草所植唯蘭蓀憶在南陽時始
承國士恩公爲柱下史脫繡歸田園伊昔簪白筆幽都逐
遊竟持斧冠三軍霜清天北門差池宰兩邑鶚立重飛翻
焚香入蘭臺起草多芳言夔龍一顧重矯翼凌翔鷁赤縣
揚雷聲疆項聞至尊驚飈頽秀木跡屈道彌敦出牧歷三
郡所居猛獸奔遷人同衛鶴謬上懿公軒自笑東郭履側
慚狐白溫閑吟步竹石精義忘朝昏顛顛成醜士風雲何
足論獼猴騎土牛羸馬夾雙轅願借羲皇景爲人照覆盆
溟海不振蕩何由縱鵬鷗所期玄津白倜儻假騰騫

贈從弟宣州長史昭

淮南望江南千里碧山對我行倦過之半落青天外宗英
佐雄郡水陸相控帶長川豁中流千里瀉吳會君心亦如
此包納無小大搖筆起風霜推誠結仁愛訟庭垂桃李賓
館羅軒蓋何意蒼梧雲飄然忽相會才將聖不偶命與時
俱背獨立山海間空老聖明代知音不易得撫劍增感慨
當結九萬期中途莫先退

書懷贈南陵常贊府

歲星入漢年方朔見明主調笑當時人中天謝雲雨一去
麒麟閣遂將朝市乖故交不過門秋草日上堦當時何特
達獨與我心諧置酒凌歊臺懽娛未曾歇歌動白紵山舞
迴天門月問我心中事爲君前致詞君看我才能何似魯

仲尼大聖猶不遇小儒安足悲雲南五月中頻喪渡瀘師
毒草殺漢馬張兵奪雲旗至今西二河流血擁僵屍將無
七擒畧魯女惜園葵咸陽天下樞累歲人不足雖有數斗
玉不如一盤粟賴得契宰衡持鈞慰風俗自顧無所用辭
家方來歸霜驚壯士髮泪滿逐臣衣以此不安席蹉跎因
世遠終當滅衛謗不受魯人譏

於五松山贈南陵常贊府

爲草當作蘭爲木當作松蘭幽香風遠松寒不改容松蘭
相因依蕭艾徒丰茸鷄與鷄並食鸞與鸞同枝揀珠去沙
礫但有珠相隨遠客投名賢真堪寫懷抱若惜方寸心待
誰可傾倒虞卿去趙相便與魏齊行海上五百人同日死
田橫當時不好賢豈傳千古名願君同心人於我少留情

寂寂還寂寂出門迷所適長鋏歸來乎秋風思歸客

自梁園至敬亭山見會公談陵陽山水兼期同遊

因有此贈

我隨秋風來瑤草恐衰歇中途寡名山安得弄雲月渡江
如昨日黃葉向人飛敬亭愜素尚弭棹流清輝冰谷明且
秀陵巒抱江城粲粲吳與史衣冠耀天京水國饒英音潛
光卧幽草會公真名僧所在即為寶開堂振白拂高論橫
青雲雪山掃粉壁墨客多新文為予話幽棲且述陵陽美
天開白龍潭月映清秋水黃山望石柱突兀誰開張黃鶴
久不來子安在蒼茫東南焉可窮山鳥飛絕處稠疊千萬
峯相連入雲去聞此期振策歸來空閉關相思如明月
望不可攀何當移白足早晚凌蒼山且寄一書札令予解

愁顏

贈友人三首

蘭生不當戶別是閒庭草夙被霜露欺紅榮已先老謬接
瑤華枝結根君王池顧無馨香美叨沐清風吹餘芳若可
佩卒歲長相隨

袖中趙七首買自徐夫人玉匣閉霜雪經燕復歷秦其事
竟不捷淪落歸沙塵持此願投贈與君同急難荆卿一去
後壯士多摧殘長號易水上為我揚波瀾鑿井當及泉張
帆當濟川廉夫唯重義駿馬不勞鞭人生貴相知何必金
與錢

慢世薄功業非無宵中畫謔浪萬古賢以為兒童劇立產
如廣費匡君懷長策但苦山北寒誰知道南宅歲酒上逐

風霜鬢兩邊白蜀主思孔明晉家望安石時人列五鼎談
笑期一擲虎伏被胡塵漁歌遊海濱弊裘耻妻嫂長劍託
交親夫子秉家義群公難與隣莫持西江水空許東溟臣
他日青雲去黃金報主人

陳情贈友人

延陵有寶劍價重千黃金觀風歷上國暗許故人深歸來
挂墳松萬古知其心懦夫感達節壯志激青衿鮑生薦夷
吾一舉置齊相斯人無良朋豈有青雲望臨財不苟取推
分固辭讓後世稱其賢英風邈難尚論交但若此友道孰
云喪多君騁逸藻掩映當時人舒文振頽波秉德冠彝倫
卜居乃此地共井爲比隣清琴弄雲月美酒娛冬春薄德
中見捐忽之如遺塵英豪未豹變自古多艱辛他人縱以

踈君意宜獨親柰何成離居相去復幾許飄風吹雲霓蔽
目不得語投珠冀相報按劍恐相距所思採芳蘭欲贈隔
荆渚沉憂心若醉積恨淚如雨願借東壁輝餘光照貧女

贈從弟烈

楚人不識鳳重價求山鷄獻主昔云是今來方覺迷自居
漆園地久識咸陽西風飄落日去節變流鶯啼桃李寒未
開幽關豈來蹊逢君發花萼若與青雲齊及此桑葉綠春
蠶起中閨日出布穀鳴田家擁鉏犁顧予乏尺土東作誰
相携傳說降霖雨公輸造雲梯羗戎事未息君子悲塗泥
報國有長策成功羞執珪無由謁明主杖策還蓬藜他年
爾相訪知我在磻溪

贈問丘處士

賢人有素業乃在沙塘陂竹影掃秋月荷衣落古池閒讀
山海經散帙卧遙帷且耽田家樂遂曠林中期野酌勸芳
酒園蔬烹露葵如能樹桃李爲我結茅茨

贈宣州靈源寺仲濬公

敬亭白雲氣秀色連蒼梧下映雙溪水如天落鏡湖此中
積龍象獨許濬公殊風韻逸江左文章動海隅觀心同水
月解領得明珠今日逢支遁高談出有無

贈僧朝美

水客凌洪波長鯨湧溟海百川隨龍舟嗟嗚竟安在中有
不死者探得明月珠高價傾宇宙餘輝照江湖苞卷金縷
褐蕭然若空無誰人識此寶竊笑有狂夫了心何言說各
勉黃金軀

贈僧行融

吳有湯惠休常從鮑昭遊峨眉史懷一獨映陳公出卓絕
二道人結交鳳與麟行融亦俊發吾知有英骨海若不隱
珠驪龍吐明月大海乘虛舟隨波任安流賦詩旃檀閣縱
酒鸚鵡洲待我適東越相携上白樓

贈黃山胡公求白鷗

并序

聞黃山胡公有雙白鷗蓋是家鷄所伏自小馴狎了
無驚猜以其名呼之皆就掌取食然此鳥耿介尤難
畜之余平生酷好竟莫能致而胡公輒贈於我惟求
一詩聞之欣然適會宿意因援筆三叫文不加點以
贈之

請以雙白璧買君雙白鷗白鷗白如錦白雪耻容顏照影

玉潭裏刷毛琪樹間夜棲寒月靜朝步落花閒我願得此
鳥翫之坐碧山胡公能輒贈籠寄野人還

登敬亭山南望懷古贈竇主簿

敬亭一迴首目盡天南端仙者五六人常聞此遊盤溪流
琴高水石聳麻姑壇白龍降陵陽黃鶴呼子安羽化騎日
月雲行翼鴛鸞下視宇宙間四溟皆波瀾決絕目下事從
之復何難百歲落半途前期浩漫漫強食不成味清晨起
長歎願隨子明去鍊火燒金丹

經亂後將避地剡中留贈崔宣城

雙鵝飛洛陽五馬渡江徼何意上東門胡雛更長嘯中原
走豺虎烈火焚宗廟太白晝經天頽陽掩餘照王城皆蕩
覆世路成奔峭四海望長安頰眉寡西笑蒼生疑落葉白

骨空相吊連兵似雪山破敵誰能料我垂北溟翼且學南
山豹崔子賢主人歡娛每相召胡床紫玉笛却坐青雲叫
楊花滿州城置酒同臨眺忽思剡溪去水石遠清妙雪晝
天地明風開湖山貌悶爲洛生詠醉發吳越調赤霞動金
光日足生海嶠獨散萬古意閒垂一溪釣猿近天上啼人
移月邊棹無以墨綬苦來求丹砂要華髮長折腰將貽陶
公誚

獻從叔當途宰陽冰

金鏡霾六國亡秦亂天經焉知高光起自有羽翼生蕭曹

安峴岫耿賈摧攬搶

上初銜切下楚耕切彗星也

吾家有季父傑出聖

代英雖無三台位不惜四豪名激昂風雲氣終協龍虎精
弱冠燕趙來賢彥多逢迎魯連擅談笑季布折公卿遙知

禮數絕常恐不合并，惕想結宵夢，素心久已冥。顧慚青雲器，謬奉玉樽傾。山陽五百年，綠水忽再榮。高歌振林木，大笑喧雷霆。落筆灑篆文，崩雲使人驚。吐詞又炳煥，五色羅華星。秀句滿江國，高才掞天庭。宰邑艱難時，浮雲空古城。居人若薙草，掃地無纖莖。惠澤及飛走，農夫盡歸耕。廣漢水，萬里長流玉琴聲。雅頌播吳越，還如泰階平。小子別金陵，來時白下亭。群鳳憐客鳥，差池相哀鳴。各拔五色毛，意重太山輕。贈微所費廣，斗水澆長鯨。彈劍歌苦寒，嚴風起前楹。月銜天門曉，霜落牛渚清。長嘆即歸路，臨川空屏營。
見京兆韋參軍量移東陽

聞說金華波，東連五百灘。全勝若耶好，莫道此行難。猿肅千溪合，松風五月寒。他年一攜手，搖艇入新安。

留別

秋日魯郡堯祠亭上宴別杜補闕范侍御

我覺秋興逸，誰云秋興悲。山豎落日去，水與晴空宜。魯酒白玉壺，送行駐金羈。歇鞍憇古木，解帶挂橫枝。歌鼓川上亭，曲度神飈吹。一本無歌鼓川上亭，曲度神飈吹十字，却添南歌憶郢客，東傳見齊兒清波，忽淡蕩。白雪紛逶迤，一隔范杜遊。此歡各棄遺，三韻雲歸碧海夕，鴈沒青天時。相失各萬里，茫然空爾思。

別魯頌

誰道泰山高，下却魯連節。誰云秦軍衆，推却魯連舌。獨立天地間，清風灑蘭雪。夫子還倜儻，攻文繼前烈。錯落石上松，無爲秋霜折。贈言鏤寶刀，千歲庶不滅。

留別曹南群官之江南

我昔釣白龍放龍溪水傍道成本欲去揮手凌蒼蒼時來
不關人談笑遊軒皇獻納少成事歸休辭建章十年罷西
笑覽鏡如秋霜閉劍琉璃匣鍊丹紫翠房身佩豁落圖腰
垂虎盤囊仙人借彩鳳志在窮遐荒戀子四五人徘徊未
翱翔東流送白日驟歌蘭蕙芳仙宮兩無從人間久摧藏
范蠡說勾踐屈平去懷王飄飄紫霞心流浪憶江鄉愁爲
萬里別復此一銜觴淮水帝王州金陵繞丹陽樓臺照海
色衣馬搖川光及此北望君相思淚成行朝雲落夢渚瑤
草空高堂帝子隔洞庭青楓滿瀟湘懷歸路絲邈覽古情
淒涼登岳眺百川杳然萬恨長知戀峨眉去弄景偶騎羊

留別王司馬嵩

魯連賣談笑豈是顧千金陶朱雖相越本有五湖心余亦

南陽子時爲梁甫吟蒼山容偃蹇白日惜頽侵願一佐明
主功成還舊林西來何所爲孤劍託知音鳥愛碧山遠魚
遊滄海深呼鷹過上蔡賣畚音本蒲器以盛種者向嵩岑他日間相
訪丘中有素琴

還山留別金門知己

好古笑流俗素聞賢達風方希佐明主長揖辭成功白日
在青天迴光矚微躬恭承鳳凰詔歛起雲羅中清切紫霄
迴優游丹禁通君王賜顏色聲價凌煙虹乘輿擁翠蓋扈
從金城東寶馬驟絕景錦衣入新豐倚崑望松雪對酒鳴
絲桐方學揚子雲獻賦甘泉宮天書美片善清芬播無窮
歸來入咸陽談笑皆王公一朝去金馬飄落成飛蓬賓友
日踈散玉樽亦已空長才猶可倚不慙世上雄聞來東武

吟曲盡情未終書此謝知己扁舟尋釣翁

夜別張五

吾多張公子別酌酣高堂聽歌舞銀燭把酒輕羅霜橫笙
弄秋月琵琶彈陌桑龍泉解錦帶為爾傾千觴

魏郡別蘇少府因北遊

魏都接燕趙美女誇芙蓉淇水流碧玉舟車日奔衝青樓
夾兩岸萬室喧歌鐘天下稱豪貴遊此每相逢洛陽蘇季
子劍戟森詞鋒六印雖未佩軒車若飛龍黃金數百鎰白
璧有幾雙散盡空掉臂高歌賦還邛落魄乃如此何人不
相從遠別隔兩河雲山杳千重何時更杯酒再得論心胸

留別西河劉少府

秋髮已種種所為竟無成閒傾魯壺酒笑對劉公榮謂我

是方朔人間落歲星白衣千萬乘何事去天庭君亦不得
意高歌羨鴻冥世人若醯鷄安可識梅生雖為刀筆吏緬
懷在赤城余亦如流萍隨波落休明自有兩少妾雙騎駿
馬行東山春酒綠歸隱謝浮名

穎陽別元丹丘之淮陽

吾將元夫子異姓為天倫本無軒裳契素以煙霞親嘗恨
迫世網銘意俱未伸松柏雖寒苦羞逐桃李春悠悠市朝
間玉顏日緇磷所共重山岳所得輕埃塵精魄斬蕪穢衰
老相憑因我有錦囊訣可以持君身當食黃金藥去為紫
陽賓萬事難並立百年猶崇晨別爾東南去悠悠多悲辛
前志庶不易遠途期所遵已矣歸去來白雲飛天津

留別廣陵諸公

憶昔作少年結交趙與燕金羈絡駿馬錦帶橫龍泉寸心
無疑事所向非徒然晚節覺此踈獵精草太玄空名束壯
士薄俗棄高賢中迴聖明顧揮翰凌雲煙騎馬不敢下攀
龍忽墮天還家守清真孤潔勵秋蟬鍊丹費火石採藥窮
山川卧海不關人租稅遼東山乘興忽復起棹我溪中船
臨醉謝葛強山公欲倒鞭狂歌自此別垂釣滄浪前

感時留別從兄徐王延年從弟延陵

天籟何參差噫然大塊吹玄元苞橐籥紫氣何逶迤七葉
運皇化千齡光本支仙風生指樹大雅歌螽斯諸王若鸞
虬肅穆列藩維哲兄錫茅土聖代含榮滋九卿領徐方七
步繼陳思伊昔全盛日雄豪動京師冠劍朝鳳闕樓船侍
龍池鼓鐘出朱邸金碧照丹墀右王一顧盼選色獻峨眉

列戟十八年未曾輒遷移大臣小暗鳴謫鼠天南垂長沙
不足舞貝錦且成詩佐郡制江西病間絕趨馳階軒日苔
鮮鳥雀噪簷帷時乘小肩輿出入畏人知北宅聊偃憇歡
愉恤媿羞言梁苑地烜赫耀旌旗兄弟八九人吳秦各
分離大賢達機兆豈獨慮安危小子謝麟閣鴈行忝肩隨
令弟字延陵鳳毛出天姿清英神仙骨芬馥菹蘭蕤夢得
春草句將非惠連誰深心紫河車與我特相宜金膏猶罔
象玉液尚磷緇伏枕寄賓館宛同清漳湄藥物多見饋珎
羞亦兼之誰道溟渤深猶言淺恩慈鳴蟬遊子意促織念
歸期驕陽何火赫海水爍龍龜百川盡涸枯舟楫閣中達
策馬搖涼月通宵出郊歧泣別目眷眷傷心步遲遲願言
保明德王室佇清夷所斬切袂何所道援毫投此辭

留別金陵諸公

海水昔飛動三龍紛戰爭鍾山危波瀾倒側駭奔鯨黃旗
一掃蕩割壤開吳京六代更霸王遺跡見都城至今秦淮
間禮樂秀群英地扇鄒魯學詩騰顏謝名五月金陵西祖
余白下亭欲尋廬峯頂先遠漢水行香爐紫煙滅瀑布落
太清若攀星辰去揮手緬含情

贈別鄭判官

竄逐勿復哀慙君問寒灰浮雲本無意吹落章華臺遠別
流空盡長愁心已摧二年吟澤畔顛顛幾時迴

金陵白下亭留別

驛亭三楊樹正當白下門吳煙暝長條漢水齧古根向來
送行處迴首阻笑言別後若見之爲余一攀翻

竄夜郎於烏江留別宗十六璟

君家全盛日台鼎何陸離斬鼉翼媧皇鍊石補天維一迴
日月顧三入鳳凰池失勢青門傍種瓜復幾時猶會舊賓
客三千光路歧皇恩雪憤懣音義與同松柏含榮滋我非東
牀人令姊忝齊眉浪跡未出世空名動京師遭遭雲羅解
翻謫夜郎悲拙妻莫邪劍及比二龍隨慙君湍波苦千里
遠從之白帝曉猿斷黃牛過客遲遙瞻明月峽西去益相
思

將遊衡嶽過漢陽雙松亭留別族弟浮屠談皓

秦欺趙氏璧却入邯鄲宮本是楚家玉還來荆山中丹彩
瀉滄溟清輝凌白虹青蠅一相點流落此時同卓絕道門
秀談玄乃支公延蘿結幽居剪竹繞芳叢涼花拂戶牖天

籟鳴虛空憶我初來時蒲萄開景風今茲大火落秋葉黃
梧桐水色夢沅湘長沙去何窮寄書訪衡嶠相與南飛鴻

留別賈舍人至二首

大梁白雲起飄飄來南洲徘徊蒼梧野十見羅浮秋鼇挾
山海傾四溟揚洪流意欲托孤鳳從之摩天遊鳳苦道路
難翱翔還崑丘不肯銜我去哀鳴慙不留遠客謝主人明
珠難暗投拂拭倚天劍西登岳陽樓長嘯萬里風掃清胸
中憂誰念劉越石化爲繞指柔

秋風吹胡霜凋此簷下芳折芳怨歲晚離別淒以傷謬攀
青瑣賢延我於此堂君爲長沙客我獨之夜郎勸此一杯
酒豈惟道路長割珠兩分贈寸心久不忘何必兒女仁相
看淚成行

聞李太尉大舉秦兵百萬出征東南懦夫請纓冀
申一割之用半道病還留別金陵崔侍御十九

韻

秦出天下兵躡踏燕趙傾黃河飲馬竭赤羽連天明太尉
仗旄鉞雲旗繞彭城三軍授號令千里肅雷霆函谷絕飛
鳥武關擁連營意在斬巨鼇何論鱸長鯨恨無左車畧多
愧魯連生拂劍照嚴霜彫戈鬢官切胡纓願雪會稽耻
將期報恩榮半道謝病還無因東南征亞夫未見顧劇孟
阻先行天奪壯士心長吁別吳京金陵遇太守倒屣欣逢
迎群公咸祖餞四座羅朝英初發臨滄觀醉栖征虜亭舊
國見秋月長江流寒聲帝居信迴轉河漢縱復橫孤鳳向
西海飛鴻辭北溟因之出寥廓揮手謝公卿

別韋少府

西出蒼龍門南登白鹿原欲尋南山皓猶戀漢皇恩水國
遠行邁仙經深討論洗心向溪月清耳敬亭猿築室在人
境閉關無世喧多君枉高駕贈我以微言交乃意氣合道
因風雅存別離有相思瑶瑟與金樽

贈別王山人歸布山

王子析道論微言破秋毫還歸布山隱興入天雲高爾去
安可遲瑤草恐衰歇我心亦懷歸屢夢松上月傲然遂獨
往長嘯開崑崙林壑久已蕪石道生薔薇願言弄笙鶴歲
晚來相依

南陵五松山別荀七

軒昂潁水荀何慚許郡賓相逢太史奏應是聚賢人玉隱

且在石蘭枯還見春俄成萬里別立德貴清真

送別

南陽送客

斗酒勿爲薄寸心貴不忘坐惜故人去偏令遊子傷離顏
怨芳草春思結垂楊揮手再三別臨歧空斷腸

送張舍人之江東

張翰江東去正值秋風時天清一鴈遠海濶孤帆遲白日
行欲暮滄波杳難期吳洲如見月千里幸相思

送王屋山人魏萬還王屋

王屋山人魏萬云自嵩宋汭吳相訪數千里不遇乘
輿遊台越經永嘉觀謝公石門後於廣陵相見美其
愛文好古浪迹方外因述其行而贈是詩

仙人東方生。浩蕩弄雲海。沛然乘天遊。獨往失所在。東旌
不辟家獨訪紫泥海時 人少相逢往往失所在。魏侯繼大名。本家聊攝城。卷舒入
 元化。跡與古賢并。十三弄文史。揮筆如振綺。辯折田巴生。
 心齊魯連子。西涉清洛源。頗驚人世喧。採秀卧王屋。因窺
 洞天門。竭來遊嵩峯。羽客何雙雙。朝携月光子。暮宿玉女
 窓。鬼谷上窈窕。龍潭下奔瀲。祖蒙切水會也 東浮汴河水。訪我三
 千里。逸興滿吳雲。飄飄浙江汜。揮手杭越間。章亭望潮還。
 濤捲海門石。雪橫天際山。白馬走素車。雷奔駭心顏。遙聞
 會稽美。一弄耶溪水。萬壑與千崑。崢嶸鏡湖裏。秀色不可
 名。清輝滿江城。人遊月邊去。舟在空中行。此中久延佇。入
 剡尋王許。笑讀曹娥碑。沉吟黃絹語。天台連四明。日入向
 國清。五峯轉月色。百里行松聲。靈溪恣沿越。華頂殊超忽。

石梁橫青天。側足履半月。眷然思永嘉。不憚海路賒。挂席
 歷海嶠。迴瞻赤城霞。赤城漸微沒。孤嶼前峴兀。水續萬古
 流。亭空千霜月。縉雲川谷難。石門最可觀。瀑布掛北斗。莫
 窮此水端。噴壁灑素雪。空濛生晝寒。却尋惡溪去。寧懼惡
 溪惡。咆哮七十灘。水石相噴薄。路創李北海。巖開謝康樂。
 松風和猿聲。搜索連洞壑。徑出梅花橋。雙溪納歸潮。落帆
 金華岸。赤松若可招。沈約八詠樓。城西孤岩巖。岩巖四荒
 外。曠望群川會。雲捲天地開。波連浙西大。亂流新安口。北
 指嚴光瀨。釣臺碧雲中。邈與蒼嶺對。稍稍來吳都。徘徊上
 姑蘇。煙綿橫九疑。漭蕩見五湖。目極心更遠。悲歌但長吁。
 迴繞楚江濱。揮策揚子津。身著日本裘。昂藏出風塵。五月
 造我語。知非佞儂。上音以下音擬儂也 人相逢樂無限。水石日在眼。

徒干五諸侯。不致千金產。吾友楊子雲。絃歌播清芬。雖爲江寧宰。好與山公群。乘興但一行。且知我愛君。君來幾何時。仙臺應有期。東窓綠玉樹。定長三五枝。至今天壇人。當笑爾歸遲。我苦惜遠別。茫然使心悲。黃河若不斷。白首長相思。

送侯十一

朱亥已擊晉侯羸。尚隱身時無魏公子。豈貴抱關人。余亦不火食。遊梁同在陳。空餘湛盧劍。贈爾託交親。

奉餞高尊師如貴道士傳道錄畢歸北海

道隱不可見。靈書藏洞天。吾師四萬劫。歷世遞相傳。別杖留青竹。行歌躡紫煙。離心無遠近。長在玉京懸。

送當塗趙少府赴長蘆

我來揚都市。送客回輕舸。因誇吳太子。便覩廣陵濤。仙尉趙家玉。英風凌四豪。維舟至長蘆。目送煙雲高。搖扇對酒樓。持袂把蟹螯。前途倘相思。登嶽一長謔。

送族弟凝之滁求婚崔氏

與爾情不淺。忘筌已得魚。玉臺挂寶鏡。持此意何如。坦腹東牀下。由來志氣踈。遙知向前路。擲果定盈車。

送友人遊梅湖

送君遊梅湖。應見梅花發。有使寄我來。無令紅芳歇。暫行新林浦。定醉金陵月。莫惜一鴈書。音塵坐吳越。

送崔十二遊天竺寺

還聞天竺寺。夢想懷東越。每年海樹霜。桂子落秋月。送君遊此地。已屬流芳歇。待我來歲行。相隨浮溟渤。

送揚山人歸天台

客有思天台東行路超忽濤落浙江秋沙明浦陽月今遊
方厭楚昨夢先歸越且盡秉燭歡無辭凌晨發我家小阮
賢剖竹赤城邊詩人多見重官燭未曾然興引登山展情
催泛海船石橋如可度攜手弄雲煙

送溫處士歸黃山白鵝峯舊居

黃山四千仞三十二蓮峯丹崖夾石柱菡萏金芙蓉伊昔
昇絕頂下窺天目山有兩湖若左右目故曰天目松仙人鍊玉處羽化留
餘蹤亦聞溫伯雪獨往今相逢採秀辭五嶽攀岩歷萬重
歸休白鷺嶺渴飲丹砂井鳳吹我時來雲車爾當整去去
陵陽東行行芳桂叢迴溪十六度碧嶂盡晴空他日還相
訪乘橋躡綵虹

送方士趙叟之東平

長桑晚洞視五藏無全牛趙叟得秘訣還從方士遊西過
獲麟臺爲我吊孔丘念別復懷古潛然空淚流

送韓準裴政孔巢父還山

獵客張兔置不能挂龍虎所以青雲人高歌在巖戶韓生
信英彥裴子含清真孔侯復秀出俱與雲霞親峻節凌遠
松同衾卧盤石斧冰嗽寒泉三子同二屐時時或乘興往
往雲無心出山揖牧伯長嘯輕衣簪昨宵夢裏還云弄竹
溪月今辰魯東門悵飲與君別雪崖滑去馬羅逕迷歸人
相思若煙草歷亂無冬春

送楊少府赴選

大國置衡鏡準平天地心群賢無邪人朗鑒窮情深吾君

詠南風袞冕彈鳴琴時泰多美士京國會纓簪山苗落澗
底幽松出高岑夫子有盛才主司得球琳流水非鄭曲前
行遇知音衣工剪綺繡一悞傷千金何惜刀尺餘不裁寒
女衾我非彈冠者感別但開襟空谷無白駒賢人豈悲吟
大道安棄物時來或招尋爾見山吏部當應無陸沉

對雪奉餞任城六父秩滿歸京

龍虎謝鞭策鴛鸞不司晨君看海上鶴何似籠中鶉獨用
天地心浮雲乃吾身雖將簪組狎若與煙霞親季父有英
風白眉超常倫一官即夢寐脫屣歸西秦竇公敞華筵墨
客盡可臻燕歌落胡鴈郢曲迴陽春征馬百度嘶遊車動
行塵躊躇未忍去戀此四座人餞離駐高駕惜別空殷勤
何時竹林下更與步兵隣

魯郡堯祠送吳五之琅琊

堯沒三千歲青松古廟存送行奠桂酒拜舞清心蒐日色
促歸人連歌倒芳樽馬嘶俱醉起分首更何言

金鄉送韋八之西京

客自長安來還歸長安去狂風吹我心西挂咸陽樹此情
不可道此別何時遇望望不見君連山起煙霧

送薛九被讒去魯

宋人不辨玉魯賤東家丘我笑薛夫子胡為兩地遊黃金
消衆口白璧竟難投梧桐生蒺藜綠竹乏佳實鳳凰宿誰
家送與群鷄匹田家養老馬窮士歸其門蛾眉笑璧音璧不能
貌者賓客去平原却斬美人首三千還駿奔毛公一挺劍
楚趙兩相存孟嘗悅狡兔三窟賴馮諼信陵奪兵符為用

李杜詩卷三
侯生言春申一何愚刎首為李園賢哉四公子撫掌黃泉
裡借問笑何人笑人不好士爾去且勿誼桃花竟何言沙
丘無漂母誰肯飯王孫

送族弟凝至晏堦單父三十里

雪滿原野白戎裝出盤遊揮鞭布獵騎四顧登高丘兔起
馬足間蒼鷹下平疇喧呼相馳逐取樂銷人憂捨此戒禽
荒微聲列齊謳鳴鷄發晏堦黯別鴈驚涑溝西行有東音
寄與長河流

魯城北郭曲腰桑下送張子還嵩陽

送別枯桑下凋葉落半空我行憊道遠爾獨知天風誰念
張仲蔚還依蒿與蓬何時一盃酒更與李膺同

送魯郡劉長史遷弘農長史

魯國一杯水難容橫海鱗仲尼且不敬况乃尋常人白玉
換斗粟黃金買尺薪間門木葉下始覺秋非春聞君向西
遷地即鼎湖鄰寶鏡匣蒼蘚丹經理素塵軒后上天時攀
龍遺小臣及此留惠愛庶幾風化淳魯縞如白煙五縑不
成束臨行贈貧交一尺重山嶽相國齊晏子贈行不及言
託陰當樹李忘憂當樹萱他日見張祿綈袍懷舊恩

送族弟單父主簿凝攝宋城主簿至郭南月橋却

回棲霞山留飲贈之

吾家青萍劍操割有餘閑往來糾二邑此去何時還鞍馬
月橋南光輝歧路間賢豪相追餞却到棲霞山群花散芳
園斗酒開離顏樂酣相顧起征馬無由攀

魯郡東石門送杜二甫

醉別復幾日登臨徧池臺何言石門路重有金樽開秋波
落泗水海色明徂徠飛蓬各自遠且盡手中杯

魯郡堯祠送張十四遊河北

猛虎伏尺草雖藏難蔽身有如張公子骯髒在風塵豈無
橫腰劍屈彼淮陰人擊筑向北燕燕歌易水濱歸來泰山
上當與爾為鄰

送竇司馬貶宜春

天馬白銀鞍親承明主歡闢鷄金宮裡射鴈碧雲端堂上
羅中貴歌鐘清夜闌何言謫南國拂劍坐長歎趙璧為誰
點隋珠枉被彈聖朝多雨露莫厭此行難

送張遙之壽陽幕府

壽陽信天險天險橫荆關符堅百萬衆遙阻八公山不假

築長城大賢在其間戰夫若熊虎破敵有餘閒張子勇且
英少輕衛霍孱投驅紫髯將千里望風顏勗爾効才畧功
成衣錦還

送裴十八圖南歸嵩山二首

何處可為別長安青綺門胡姬招素手延客醉金樽臨當
上馬時我獨與君言風吹芳蘭折日沒烏雀喧舉手指飛
鴻此情難具論同歸無早晚潁水有清源

君思潁水綠忽復歸嵩岑歸時莫洗耳為我洗其心洗心
得真情洗耳徒買名謝公終一起相與濟蒼生

同王昌齡送族弟襄歸桂陽

秦地見碧草楚謠對清樽把酒爾何思鷓鴣啼南園余欲
羅浮隱猶懷明主恩躊躇紫宮戀孤負滄洲言終然無心

雲海上同飛翻相期乃不淺幽桂有芳根

送于十八應四子舉落第還嵩山

吾祖吹橐籥天人信森羅歸根復太素群動熙元和炎炎
四真人摘辨若濤波交流無時寂揚墨日成科夫子聞洛
誦誇才才故多為金好踊躍久客方蹉跎道可束賣之五
寶溢山河勸君還高丘開酌聆庭柯三花如未落乘興一
來過

送張秀才從軍

六駮音剽獸如食猛武避本是虎字耻從駑馬群一朝長鳴
去矯若龍行雲壯士懷遠畧志存解世紛周粟猶不顧齊
珪安肯分抱劍辭高堂將投崔冠軍長策掃河洛寧親歸
汝墳當今千古後麟閣著奇勳

送崔度還吳度故人禮部員外輔國之子

幽燕沙雪地萬里盡黃雲朝吹歸秋鴈南飛日幾群中有
孤鳳雛哀鳴九天聞我乃重此鳥綵章五色分胡為雜凡
禽鷄鶩輕賤君舉手捧爾足疾心若火焚拂羽淚滿面送
之吳江濱去影忽不見躊躇日將曛

魯中送二從弟赴舉之西京

魯客向西笑君門若夢中霜凋逐臣髮日憶明光宮復羨
二龍去才華冠世雄平衢騁高足逸翰凌長風舞袖拂秋
月歌筵聞早鴻送君目千里良會何由同

送長沙陳太守

長沙陳太守逸氣凌青松英王賜玉馬本是天池龍湘水
迴九曲衡山望五峯榮君按節去不及遠相從

送楊燕之東魯

關西楊伯起漢日舊稱賢四代五公族清風播人天夫子
華陰居開門對玉蓮何事歷衡霍雲帆今始還君坐稍解
顏爲我歌此篇我固侯門士謬登聖主筵一辭金華殿躋
蹬長江邊二子魯門東別來已經年因君此中去不覺淚
如泉

送蔡山人

我本不棄世世人自棄我一乘無倪舟八極縱遠拖坳
也燕客期躍馬唐生安敢譏採珠勿驚龍大道可暗歸故
山有松月遲爾翫清暉

送楊山人歸嵩山

我有萬古宅嵩陽玉女峯長留一片月挂在東溪松爾去

掇仙草苴蒲花紫茸歲晚或相訪青天騎白龍

送殷淑

海水不可解連江夜爲潮俄然浦嶼濶岸去酒船遙惜別
耐取醉鳴榔且長謔天明爾當去應有便風飄

送岑徵君歸鳴臯山

岑公相門子雅望歸安石奕世皆夔龍中台竟三拆至人
達幾兆高揖九州伯柰何天地間而作隱淪客貴道能全
真潛輝卧幽鄰探元入宵默觀化遊無垠光武有天下嚴
陵爲故人雖登洛陽殿不屈巢由身余亦謝明主今稱偃
蹇臣登高覽萬古思與廣成鄰蹈海寧受賞還山非問津
西來一搖扇共拂元規塵

送范山人歸泰山

魯客抱白鶴別余往泰山初行若片雪杳在青崖間高高
至天門海日近可攀雲生望不及此去何時還

江上送女道士褚三清遊南嶽

吳江女道士頭戴蓮花巾霓衣不濕雨特異陽臺神足下
遠遊履凌波生素塵倦尋向南嶽應見魏夫人

送張秀才謁高中丞并序

余時繫尋陽獄中正讀留侯傳秀才張孟熊蘊滅胡
之策將之廣陵謁高中丞余喜子房之風感激於斯
人因作是詩以送之

秦帝淪玉鏡留侯降氛氲感激黃石老經過滄海君壯士
揮金槌報讎六合聞智勇冠終古蕭陳難與群兩龍爭閭
時天地動風雲酒酣舞長劍倉卒解漢紛宇宙初倒懸洪

溝勢將分英謀信竒絕夫子揚清芬胡月入紫微三光亂
天文高公鎮淮海談笑廓妖氛採爾幕中畫戡難光殊勲
我無燕霜感玉石俱燒焚但灑一行淚臨歧竟何云

尋陽送弟昌峽鄱陽司馬作

桑落洲渚連滄江無雲煙尋陽非剡水忽見子猷船飄然
欲相近來遲杳若仙人乘海上月帆落湖中天一覩無二
諾朝懽更勝昨爾則吾惠連吾非爾康樂朱紱白銀章上
官佐鄱陽松門拂中道石鏡迴清光搖扇及千越水亭風
氣涼與爾期此亭期在秋月滿時過或未來兩鄉心已斷
吳山對楚岸彭蠡當中州相思定如此有窮盡年愁

餞校書叔雲

少年費白日歌笑矜朱顏不知忽已老喜見春風還惜別

且為懽徘徊桃李間看花飲美酒聽鳥臨晴山向晚竹林
寂無人空閉關

洞庭醉後送絳州呂使君果流澧州

昔別若夢中天涯忽相逢洞庭破秋月縱酒開愁容贈劍
刻玉字延平兩蛟龍送君不盡意書及鴈迴峯

送趙判官赴黔府中丞叔幕

廓落青雲心結交黃金盡富貴翻相忘令人忽自哂蹭蹬
鬢毛斑盛時難再還巨源咄石生何事馬蹄間綠蘿長不
厭却欲還東山君為魯曾子拜揖高堂裏叔繼趙平原偏
承明主恩風霜摧獨坐旌節鎮雄藩虎士秉金鉞蛾眉開
玉樽才高幕下去義重林中言水宿五湖月霜啼三峽猿
東風春草綠江上候歸軒

江夏送友人

雪點翠雲裘送君黃鶴樓黃鶴振玉羽西飛帝王州鳳無
琅玕實何以贈遠遊徘徊相顧影淚下漢江流

送郝昂謫巴中

瑤草寒不死移植滄江濱東風灑雨露會入天地春余若
洞庭葉隨波送逐臣思歸未可得書此謝情人

江西送友人之羅浮

桂水分五嶺衡山朝九疑鄉關眇安西流浪將何之素色
愁明湖秋渚晦寒姿疇昔紫芳意已過黃髮期君王縱踈
散雲壑借巢夷爾去之羅浮我還憇峨眉中澗道萬里霞
月遙相思如尋楚狂子瓊樹有芳枝

宣城送劉副使入秦

君即劉越石雄豪冠當時
淒清橫吹曲慷慨扶風詞
虎嘯侯騰躍鷄鳴遭亂離
千金市駿馬萬里逐王師
結交樓煩將侍從羽林兒
統兵捍吳越豺虎不敢窺
大勲竟莫敘已過秋風吹
秉鉞有季公凜然負英姿
寄深且戎幕望重必台司
感激一然諾縱橫兩無疑
伏奏歸北闕鳴騶忽西馳
列將咸出祖英僚惜分離
斗酒滿四筵歌嘯死溪湄
君携東山妓我詠北門詩
貴賤交不易恐傷中園葵
昔贈紫騮駒今傾白玉卮
同驪萬斛酒未足解相思
此別又千里秦吳眇天涯
月明關山苦水劇隴頭悲
借問幾時還春風入黃池
無令長相思折斷綠楊枝

涇州送族弟錚

涇州三百里若耶羞見之
錦石照碧山兩邊白鷺鷥
佳境

千萬曲客行無歇時
上有琴高水下有陵陽祠
仙人不見我明月空相知
問我何事來盧敖結幽期
蓬山振雄筆繡服揮清詞
江湖發秀色草木含榮滋
置酒送惠連吾家稱白眉
愧無海嶠作敢闕河梁詩
見爾復幾朝俄然告將離
中流漾綵鷁列岸叢金羈
歎息蒼梧鳳分棲瓊樹枝
清晨各飛去飄落天南陲
望極落日盡秋深暝猿悲
寄情與流水但有長相思

五松山送殷淑

秀色發江左風流柰若何
仲文了不還獨立揚清波
載酒五松山頽然白雲歌
中天度落月萬里遙相過
撫酒惜此月流光畏蹉跎
明日別離去連峯鬱嵯峨

送崔氏昆季之金陵

放歌倚東樓行子期曉發秋風渡江來吹落山上月主人
出美酒滅燭延清光二崔向金陵安得不盡觴水客弄歸
棹雲帆捲輕霜扁舟敬亭下五兩先飄揚峽石入水花碧
流日更長思君無歲月西笑阻河梁


登黃山陵敲臺送族弟溧陽尉濟充泛舟赴華陰
鸞乃鳳之族翱翔紫雲霓文章輝五色雙在瓊樹棲一朝
各飛去鳳與鸞俱啼炎赫五月中朱曦爍河堤爾從泛舟
役使我心竟淒秦地無草木南雲暄鼓鼙君王減玉膳早
起思鳴鷄漕引救關輔疲人免塗泥宰相作霖雨農夫得
耕犁靜者伏草間群才滿金閨空手無壯士窮居使人低
送君登黃山長嘯倚天梯小舟若鳧鴈大舟若鯨鯢開帆
散長風舒卷與雲齊日入牛渚晦蒼然夕煙迷相思在何

所杳在洛陽西

唐李杜詩集卷之三

李集

Blank manuscript page with vertical lines.



程